



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU

## Curiosidadis

### Sas dies imprestadas

Eus intèndiu giai chistionai de cussas diis chi in italianu sunt nomenadas “i giorni della merla”, chi funt is tres diis chi serrant su mesi de gennàrgiu e sa paristòria alliongiada a custu nòmmini chi chistionat de una meurra bianca chi po s’amparai de su frius fiat intrada in una tziminera cun is fillus cosa sua. Candu, pustis de tres diis, ndi fiat bessia teniat totus is pinnas nieddas.

In Sardìnnia nc’est un’àtera paristòria chi pertocat custas diis fridas chi ddis narant Sa Dies Imprestadas. Custu contu tenit a protagonista a unu pastori e a su mesi de gennàrgiu.

Una borta in gennàrgiu iat fatu tempus bonu e su 29, chi intzandus fiat s’ùrtima dii, su pastori intamis de torrai gràtzias a su mesi si fiat postu a ddu stroci cumbintu de non ddi torrai prus contus. Gennàrgiu perou dd’iat intèndiu e duncas iat decidìu de si svengai pedendi duas diis a su mesi de Friàrgiu chi intzandus ndi teniat 30. A craru Friàrgiu si ddas iat imprestadas e Gennàrgiu iat fatu calai unu frius de galera, ghetendi nii a stracia chi iat bociu totu su tallu a foras de una brebei chi si fiat cuada a suta de unu cardaxu.

De cussu tempus Gennàrgiu non at prus torrau is diis a Friàrgiu e duncas si narant dies imprestadas.



su 30 e su 31 de gennàrgiu